

Äмнд орлицнднь ханлт өргджәнәвдн

Юстинск района Цагъан-Амнд нөктәрн нәәмн өрк нүүдж ирләвдн. Тедн заагас Бадмаев Анатолий күндәр гемтв. Хамраснь цусн гарад, зогсдж өгл уга бәәв. Цагъан-Амна эмчнр, нутгин толгъачнр цугъар тусан күргәд, чидлән нө-өцхәсн уга. Зугар көвүнә хамраснь цусн гардган уурл уга бәәв.

Района партийн комитетин сегләтр үр Лиджи-Гаряев Бадм Элстлә телефогъар күүндәд, эмч сурулснд, Элст балгъсна больницин ах эмч Букан Нюрвә сө-өдүлдж йовад өрүн хар дүнъглә ирн, үкс туста эмнлгъ кегәд, эм өгәд, цусн

гардгинь зогсадж, Бадмаев Толян әмнднь орв.

Ода Бадмаев Толя Юстин больницд бәәнә. Цусан барад, әмн-ширнь тасрсн күн, ода орад-гарад йовад, чидл-чинән орад, эдгдж бәәнә.

Ах эмч Букан Нюрвәд, Юстинск нутга гардачнрт, Цагъан-Амна эмчнрт, Элстәс сө-өдлүләд машигъән хурдар, ха-алгъ алдл уга ирсн шофер үр Павлов Лиджл, эднд цугъараднь экнь, ах-дүүнр, бергднь элдв икәр, үнн гол седклиннь ханлтан өргджәцхәнә.

БАДМАЕВ Н.

АХ-МАНДЖИЕВ Л.